

OREMUS.

DOMINE Jesu Christe, qui tegmen nostræ mortalitatis induere dignatus es, obsecramur immensam largitatem tuæ abundantiam, ut hoc genus vestimentorum, quod sancti Patres ad innocentiam, humilitatemque indicium in memoriam septem Dolorum B. Virginis Mariæ nos ferre sanxerunt, ita bene + dicere digneris, ut qui illis fuerit induitus, corpore pariter, ac anima induat te Salvatorem nostrum. Qui vivis et regnas in sæcula sæculorum. Amen.

Postea Sacerdos, aspersum Scapulare aqua benedicta recipient imponat, dicens :

Accipe, charissime frater, habitum B. Mariæ Virginis, singulare signum servorum in memoriam septem Dolorum, quos ipsa in vita et morte Unigeniti Filii sui sustinuit, ut ita induitus sub ejus patrocinio perpetuo vivas.

Benedictio Dei omnipotens, + Patris, et Filii, et Spiritus Sancti descendat super te, et maneat semper. Passio Domini nostri Jesu Christi, et Compassio Beatae Mariæ Virginis sit in corde, et corpore nostro. Amen.

292. Benedictio Scapularis Conceptionis immaculatae Dei Maris.

Y. Adjutorium nostrum in nomine Domini.

R. Qui fecit cœlum et terram.

Y. Dominus vobiscum.

R. Et cum spiritu tuo.

OREMUS.

DOMINE Jesu Christe, qui tegmen nostræ mortalitatis induere dignatus es, tuæ largitatem clementiam humiliter imploramus, ut hoc genus vestimenti, quod in honorem, et memoriam Conceptionis immaculatae Beatæ Mariæ Virginis (necnon, ut illo induitus exoret) in hominum pravorum morum reformationem institutum fuit, bene + dicere digneris, ut hic famulus tuus, qui eo induitus fuerit, eadem Beata Maria Virgine intercedente, te quoque inducere mereatur. Qui vivis, et regnas, etc.

Postea Sacerdos, aspersum Scapulare aqua benedicta, imponat recipienti, dicens :

Accipe, frater, Scapulare Beatæ Mariæ Virginis immaculatae, ut ea intercedente, veterem hominem exutus, ab omni inquinamento mundatus, ipsum perferas sine macula, et ad vitam pervenias sempiternam. Amen.

Et ego ex facultate mihi tradita recipio te in participationem bonorum spiritualium, quæ in nostra Congregatione gratia Dei

funt, et quæ per Sanctæ Sedis Apostolicæ privilegium concessa sunt. In nomine Patris +, et Filii, et Spiritus Sancti. Amen.

Si infirmus nunquam acceperit aliquod Scapulare, vel aliquod ex iis, de quibus supra sermonem fecimus, curet Sacerdos qui facultatem habet, ut infirmus tunc recipiat, ut Indulgentias luxet.